

**საქართველოს მთავრობის კანცელარიის სატენდერო
კომისიის სხდომის
ოქმი N257**

12.12.2011წ.

ქ. თბილისი

სხდომას ესწრებოდნენ:

- | | |
|-------------------|--|
| ქართლოს ყიფიანი | - საქართველოს მთავრობის კანცელარიის უფროსის მოადგილე – ეკონომიკური დეპარტამენტის უფროსი, სატენდერო კომისიის თავმჯდომარე |
| კახა ამირანიძე | - საქართველოს მთავრობის კანცელარიის საკადრო საკითხთა დეპარტამენტის უფროსი, სატენდერო კომისიის წევრი |
| ზაზა ნანობაშვილი | - საქართველოს მთავრობის კანცელარიის უფროსის მოადგილე - იურიდიული დეპარტამენტის უფროსი, სატენდერო კომისიის წევრი |
| ნაილი მამისაშვილი | - საქართველოს მთავრობის კანცელარიის ეკონომიკური დეპარტამენტის უფროსის მოადგილე – საფინანსო-საბიუჯეტო სამმართველოს უფროსი (მთავარი ბუღალტერი), სატენდერო კომისიის წევრი |
| დავით გაგუა | - საქართველოს მთავრობის კანცელარიის ეკონომიკური დეპარტამენტის შესყიდვების სამმართველოს წამყვანი სპეციალისტი, კომისიის აპარატის წევრი |

სხდომას არ ესწრებოდა:

- | | |
|-------------------|---|
| 1. თამაზ ბარაბაძე | - საქართველოს მთავრობის კანცელარიის იურიდიული დეპარტამენტის სასამართლოებში წარმომადგენლობის სამმართველოს უფროსი, სატენდერო კომისიის წევრი |
|-------------------|---|

2. დეკრეტულ შვებულებაში ყოფნის გამო:

- | | |
|----------------|--|
| ნათია ოდიშარია | - საქართველოს მთავრობის კანცელარიის ეკონომიკური დეპარტამენტის შესყიდვების სამმართველოს უფროსი, კომისიის აპარატის წევრი, კომისიის მდივანი |
|----------------|--|

სხდომის დღის წესრიგი:

1. საქართველოს მთავრობის კანცელარიის საჭიროებისათვის კომპიუტერული მოწყობილობების გამარტივებული ელექტრონული ტენდერის საშუალებით სახელმწიფო შესყიდვის სატენდერო დოკუმენტაციის დამტკიცება.
2. საქართველოს მთავრობის კანცელარიის საჭიროებისათვის კომპიუტერებისთვის სკანერების გამარტივებული ელექტრონული ტენდერის საშუალებით სახელმწიფო შესყიდვის სატენდერო დოკუმენტაციის დამტკიცება.

მოისმინეს:

საქართველოს მთავრობის კანცელარიის უფროსის მოადგილის ქართლოს ყიფიანის ინფორმაცია

მომხსენებელმა აღნიშნა, რომ საქართველოს მთავრობის კანცელარიის მიერ ამა წლის 2 დეკემბერს (SPA110030752) კომპიუტერული მოწყობილობების შესყიდვაზე გამოცხადებული გამარტივებული ელექტრონული ტენდერი დასრულდა უარყოფითი შედეგით, რადგან ტენდერში მონაწილე ერთადერთი პრეტენდენტის დოკუმენტაციის ტექნიკურ დავალებასთან შეუსაბამობის (სკანერის მოწოდების ვადა) გამო.

კონკურენციის გაზრდის მიზნით, ასევე, მოწოდების ვადებისა და ანგარიშსწოების პირობების განსხვავებულობის გათვალისწინებით, უმჯობესია ცალ-ცალკე განხორციელდეს კომპიუტერული მოწყობილობებისა და კომპიუტერებისათვის სკანერების შესყიდვის ტენდერები. „სახელმწიფო შესყიდვების შესახებ“ საქართველოს კანონის მე-3 მუხლის „რ“ ქვეპუნქტის შესაბამისად, შესყიდვები საჭიროა განხორციელდეს გამარტივებული ელექტრონული ტენდერის საშუალებით.

„გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-11 მუხლის მე-4 პუნქტის გათვალისწინებით, დამტკიცდეს შემდეგი საკვალიფიკაციო მონაცემების დამადასტურებელი დოკუმენტები:

იურიდიული პირისათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

ბ) ცნობა საგადასახადო ორგანოდან ბიუჯეტისადმი დავალიანების არარსებობის შესახებ;

ფიზიკური პირისათვის:

ა) ცნობა, რომ მას მთლიანად ან ნაწილობრივ არა აქვს შეზღუდული ქმედითუნარიანობა (შესაბამისი უფლებამოსილი სამედიცინო დაწესებულებიდან).

ბ) ცნობა საგადასახადო ორგანოდან ბიუჯეტისადმი დავალიანების არარსებობის შესახებ;

აღნიშნული დოკუმენტები საკმარისია პრეტენდენტის საიმედოობის შესახებ საჭირო ინფორმაციის მისაღებად.

დაადგინეს:

1. დამტკიცდეს საქართველოს მთავრობის კანცელარიის საჭიროებისათვის კომპიუტერული მოწყობილობების შესყიდვის სატენდერო დოკუმენტაცია.
2. დამტკიცდეს საქართველოს მთავრობის კანცელარიის საჭიროებისათვის კომპიუტერებისათვის სკანერების შესყიდვის სატენდერო დოკუმენტაცია.
3. განთავსებულ იქნას განცხადებები და სატენდერო დოკუმენტაციები სახელმწიფო შესყიდვების ერთიან ელექტრონულ სისტემაში არაუგვიანეს 2011 წლის 13 დეკემბრისა.

სხდომის თავმჯდომარე

ქ. ყიფიანი

სატენდერო კომისიის წევრები:

ზ. ნანობაშვილი

კ. ამირანიძე

ნ. მამისაშვილი

კომისიის მდივანი

დ. გაგუა